

Die Traditionen des Hochstifts Freising (Ed. Bitterauf), Nr. 317

Constat qualiter quidam presbiter Oadalscalch nomine propriam ecclesiam in loco Tegardorf tradidit ad domum sanctae Mariae in manus domni Attonis episcopi cum omnibus rebus huius ecclesiae. Defuncto vero Attone episcopo veniens ipse Oadalscalch presbiter ad domnum Hittonem episcopum nuntians ei omnia, qualiter cum Attone conductum vel placitum habuit factum, ut iam dictam ecclesiam domui sanctae Mariae traditam habuit et cum veraces testibus huic domo firmiter confirmatam. Nunc vero convenit mihi simul cum fratre meo nomine Deotto pariterque et filio illius nepote meo Cundheri nomine, ut ipsam ecclesiam cum omni integritate cum consilio Hittonis episcopi iam dicto Cundhario nepote meo in beneficio de domo episcopali praestari fecissem. Audiens hoc venerabilis vir Hitto episcopus consensit consilio nostro eo modo, ut supradictus nepus meus Cundheri propriam hereditatis suae partem domui sanctae Mariae tradidisset. Ita et fecerunt. Accessit Deotto pariter cum filio eius Cundherio, commune manu tradiderunt partem Cundharii ad domum sanctae Mariae ea ratione, ut liceat eum ambas res habere suprascriptas ad vitam suam. Si vero Oadalscalch supervixerit Cundharium aut Cundharius superstitis Oadalscalcho exstiterit, ipse habeat iam dictam utrorumque hereditatem usque dum vivit; post obitum vero illorum ad domum sanctae Mariae redire hanc rem nullus contradicere valeat. Haec autem sunt testes utrisque partibus: Emicho. Reginpald. Uuillipato. Uuituchi. Hiltiprant. Engilrih. Rihperht. Reginhoh. Hartbertus clericus. Eparhart clericus. Actum est haec in V. id. iun. anno primo gloriosissimi Hludouuici imperatoris indictione VI. Ego Tagibertus indignus diaconus scripsi iussione Hittonis episcopi.